

LAMPIRAN 1

Istilah panggilan yang digunakan oleh masyarakat Jakun untuk merujuk saudara mara terdekat.

Bahasa Melayu

Bahasa Jakun

Adik	-	Nama
Kakak	-	Nama (jika sudah berkahwin dan mempunyai anak, panggilan bertukar kepada nama 'Mak' dan diikuti dengan nama anak sulung digunakan, contoh Mak Ani jika anak bernama Ani).
Abang	-	Nama digunakan (jika sudah berkahwin panggilan bertukar kepada nama 'Pak' dan diikuti dengan nama anak sulung).
Kakak Ipar	-	Ipar
Abang Ipar	-	Ipar
Emak	-	Emak atau Mak
Bapa	-	Bapa
Dato	-	Nenek
Nenek	-	Nenek
Moyang	-	<i>Oyang</i>
Emak Saudara Pertama	-	<i>Tuak</i>
Bapa Saudara Pertama	-	<i>Tuak</i>
Emak Saudara	-	<i>Amai</i>
Bapa Saudara	-	<i>Mamak</i>

Lampiran 2

Senarai pantun yang digemari oleh masyarakat Jakun.

Pantun yang dipelajari dari orang-orang tua di Kampung Langkap.

Tebang-tebang kayu berlobang
Kayu belukar dititi semut
Dapat mimpi sebilang hulu
Mimpi bertukar kain selimut

Batang tujuh metinggal enam
Jatuh sebihi di negeri tujuh
Peluk tubuh rasa nak demam
cari ubat sampai sembuh

Tebang kandis Mak Todak
Nak ditebang dengan beliung
Nak menagis bukan ku budak
Nak terbang bukannya burung

Rotan selingkar jatuh ke bukit
Sentak keris di atas papan
Bentang tikar abang nak duduk
Lipat sireh abang nak makan

Apa sebab bulan tak terang
Anak terselindung daun bebusuk
Apa sebab adik tak datang
Lambat menempel seluar buruk

Tembak si burung bangau
Mari ditembak serumpun buluh
Selak baju melihat panau
Baju berharga sembilan puluh

Apa banyak pinang dijeruk
Lepas setalam setalam pula
Apa sedap tunang memeluk
Lepas semalam semalam pula

Udang sama udang
Bergalah batang nipah
Bujang sama bujang
Apa salah ajak nikah

Burung serindik diam bergantung
Mari diam di alang tengah
Tabik encik sepunya kampung
Mari masuk ronggeng ditengah

Buah cempedak disangka loyang
Hanyut basung bertali-tali
Kalau hendak bujang orang
Kalau langsung sama sekali

Menggulai udang
Bubuh barang sejempit
Adik benci jangan dipandang
Nama saya jangan disebut

Pergi sana saya nak mandi
Satu lubuk keduanya pantai
Bujang mana saya nak cari
Satu elek kedua pantai

Tokok denak hujung tualang
Racak racik condong ke bukit
Adik hendak katakan sayang
Pusing muka senyum sedikit

Berapa tinggi Bukit Kuantan
Sedang elok melambung telur
Adik pergi dendam tak makan
Saya di rumah dendam tak tidur

Tebu liat si tebu kapur
Tanam dia di juru rumah
Buat apa cik adik di dapur
Jikalau masak surung ketengah

Paku pahat paku payung
Jangan terentak bawa durian
Kalau jahat campak buang
Jangan menyesal hari kemudian

Terbang gagak bercula-cula
Cincin perak bergelang rambut
Kalau tak hendak bagi semula
Cincin orang jangan disayang

Jeruk kangkong jeruk kemaman
Rumah kampung masak keladi
Riuh kampung riuh halaman
Sementara saya ada di sini

Kain ini kain jenjudah
Saya tidak berkain lagi
Malam ini mula penyudah
Saya tidak berpantun lagi

Anak musang meniti akar
Mari jatuh dalam perigi
Gunung Ledang nampak terbakar
Embun setitik padam api

Hujan lebat perintah kasai
Di situ teluk di sini perahu
Minyak apa cik adik pakai
Di situ duduk di sini bau

Anak pelanduk di luar pagar
Mari sayang patah kakinya
Gunung Ledang nampak terbakar
Barulah ini nampak apinya

Daun sesugi senjata
Patah pedang romat-romat
Tempat perigi membasuh muka
Cahaya aku Nabi Muhammad
Seri turun ke kaki
Cahaya naik ke muka

Kalau ada jarum yang patah
Mari disimpan di dalam peti
Kalau ada silap dan salah
Jangan disimpan di dalam hati

Kalau hujan, hujan kebangat
Atap saya jangan ditebas
Kalau bujang, bujang kebangat
Bujang saya jangan dilepas

Tijula tinggal empat
Putus satu kijang melompat
Bukan memuji bukan mengumpat
Mak ronggeng bila nak dapat

Kalau ada ombak beting
Anak Cina pandai berenang
Bukan salah baju bergunting
Salah jola(biola) dengan gendang

Tuan selupat saya seludang
Tinggal saya bertih mantah
Tuan bertempat saya seorang
Tidak berpantun barang sepatah

Pancong mengkuang panjang sepuluh
Buang sembilu di tepi jalan
Dengar kuang permatang tujuh
Hendak merindu orang berjalan

Pancong mengkuang panjang sepuluh
Buang sembilu ditepi gate
Dengar kuang permatang tujuh
Hendak merindu orang berjoget

Saya malas nak mandi di rakit
Mandinya lambat sangat
Saya malas mati penyakit
Mati bertikam salah nama

Kalau tuan selasih dandi
Buah betik gugur melintang
Kalau tuan kasihkan kami
Bagilah kopek saya nak pegang

Gelugur tebingnya tinggi
Bunga bayam berkembang merah
Nak mengukur sama setinggi
Menengok cahaya tidak berubah

Letak tembakau lebarnya daun
Letak sekali dengan dahan
Mintak tembakau dengan daun
Mintak sekali dengan tuhan

Hujan emas di pagi hari
Kilat menyambar sibunga rampai
Putih kuning jangan berlari
Janjinya ada sebelum sampai

Saya malas pergi ke baduk
Pergi boleh jemenang jangan
Saya malas pergi merajuk
Pergi boleh dibuang jangan

Pancung cemperai kayu bergetah
Bawa terkelikir jambatan besi
Nak bercerai bukannya mudah
Nak berfikir sedalam hati

Kalau makjun katakan makjun
Makjun berisi dalam gelas
Kalau berpantun jualkan pantun
Pantun sepatah tidak dibalas

Buah macang tangkainya lebat
Belum dirasa manis dahulu
Burung terbang membawa surat
Belum dibaca menangis dahulu

Apa guna memasang pelita
Lebih baik pasang lilin
Apa guna kita bercinta
Lebih baik kita berkahwin

Pergi ke pengkalan mengasah pisau
Penuh piring berisi gelas
Usah kenalan adik tak risau
Surat dikirim mesti dibalas

Pantun yang dipelajari dari Radio 3 Johor Bahru.

Letak timba tepi perigi
Timba diisi buah Zaitun
Akan kubawa kemari lagi
Bila tiba musim berpantun

Petang-petang mengetam papan
Jari terluka kena sembilu
Bila kulihat wajah yang tampan
Nak bertanya terasa malu

Kalau tuan pandai menyurat
Suratkan saya kertas biru
Kalau tuan pandai mengubat
Ubatkan saya hati yang rindu

Dari Bentan ke Tanjung Ganis
Patah belayar angin utara
Lagi didepan mulutnya manis
Sebalik belakang lain bicara

Kain batik koyak melintang
Tidak dapat dijahit lagi
Cik Abang merajuk panjang
Tidak dapat dipujuk lagi

Abang sayang pergi ke seberang
Tinggal adik berhati pilu
Jangan suka mengata orang
Diri sendiri jagalah dulu

Baju lama si baju baru
Mari dipakai orang seberang
Saya ini ingin nak tahu
Adakah adik dipunyai orang

Asam jeruk penuh sebalang
Asam pauh letak di para
Bila masuk dalam gelanggang
Orang jauh jadi saudara

Ejok-ejok tali perahu
Tali benban mengikat rakit
Besok-besok barulah tahu
Menaruh dendam jadi penyakit

Terbang tinggi si rama-rama
Hinggap sebentar di atas para
Usah serik kita bersama
Pantun suka bersama saudara

Antara padi dengan jagong
Daun selasih saya siramkan
Antara hati dengan jantung
Di situ kasih saya letakan

Anak Cina pulang ke China
Tiba ke China buat kenduri
Bolehkah adik abang bertanya
Sedapkah pantun di malam ini

Buluh serumpun digalah
Ditebang orang jauh dahulu
Ampun barang yang salah
Minta maaf andai berlaku

Dua kali dua empat
Dua kali empat lapan
Ambil raga isi ketupat
Ambil ketupat kita makan

Pok amai-amai
Belalang kupu-kupu
Berkawan biar ramai
Bercinta biar satu

Pergi ke hulu membuat perahu
Bersama rokok dengan rempahnya
Ibarat ilmu tidak diguru
Sebagai pokok tidak berbuah

Kapal belayar dipukul arus
Terus belayar ikut pedoman
Pantun Melayu hidupkan terus
Tidak kalah dilambung zaman

Cik Mat membelah rotan
Rotan dibelah dengan sembilu
Belum kena sengat lipan
Kalau kena barulah tahu

Jangan selalu membaca kartun
Ini pesanan orang tua
Saya tidak pandai berpantun
Tetapi ingin nak mencuba

Daun Selasih si daun Serai
Daun Serai di tepi perigi
Selesai berpantun saya tutup tirai
Minggu depan Insyallah ada lagi

Anak lembu merah
Ditambat pokok asam
Bila kena marah
Tarik muka masam

Anak itik tonggek
Junjung kayu api
Cik adik siungguh molek
Cik Abang susah hati

Ndoi-ndoi cak
Cak makan padi
Adik duduk teriak
Mak ketam padi

Bawang putih bawang merah
Jangan suka berleter nanti orang marah
Ada beras taruh dalam padi
Ada ingat taruh dalam hati
Orang makan rojak dia makan kapur
Orang tak ajak dia masuk campur

Dengar bunyi enggang
Makan buah berkokok
Dengar cakap orang
Terjun masuk lubuk

Kenapa deras ombak di laut
Sampan karam dikolam mawar
Jika belum ajal dan maut
Racun diminum jadi penawar

Pantun yang dipelajari dari majalah.

Encik Zainal membawa galah
Hendak menjolok si buah mangga
Ingin kenal apalah salah
Sebelum kita rasa tergoda

Perahu kotak belayar ke Deli
Singgah sebentar di Tanjung Sepat
Bacalah buku dengan teliti
Baru ilmu mudah dapat

Pergi ke kota menunggang kuda
Hendak berjumpa dengan Cik Esah
Kalau ilmu tidak di dada
Hidup akan menjadi susah

Lampiran 3

Matlamat POASM

1. Mendokong perlembagaan negeri dan mempertahankan prinsip yang terkandung di dalamnya, kedaulatan Raja-Raja, Bahasa Malaysia, hak asasi dan hak istimewa Bumiputera keseluruhannya.
2. Berusaha untuk memperkembangkan kebudayaan, adat resam tradisi Orang Asli sebagai satu suku bangsa. Ia menitikberatkan usaha melindungi institusi, adat resam, cara hidup, individu, harta benda, dan segala kuasa yang dipegang oleh ketua (batin/penghulu) Orang Asli.
3. Memudahkan hal ehwal perhubungan, penyuratan, dan menolong mengambil tindakan atas hal-hal yang berbangkit ai antara kaum Orang Asli dengan perwakilan (agensi) kerajaan dan badan-badan lain yang berkenaan.
4. Membantu kerajaan mencapai matlamatnya dalam segala usaha untuk meninggikan lagi taraf hidup Orang Asli.
5. Berusaha dengan apa jua cara untuk mengikis dan menghilangkan prasangka serta salah faham daripada masyarakat umum terhadap Orang Asli dan sebaliknya.
6. Menolong menjayakan segala kegiatan atau usaha kerajaan (khasnya Jabatan Hal Ehwal Orang Asli) yang boleh menyatu padukan Orang Asli dengan masyarakat.
7. Memajukan kebajikan ahli-ahli dari segi kebendaan, kemasyarakatan dan pelajaran dengan jalan yang halal dan difikirkan munasabah oleh mesyuarat agung atau Majlis Jawatankuasa Kerja.
8. Memberi bantuan guaman kepada ahli-ahli yang terbabit dengan pihak mahkamah atau seumpamanya ketika menjalankan tugas persatuan.
9. Mengadakan kumpulan wang kebajikan dengan syarat faedah bersama seperti yang ditakrifkan dalam Akta Pertubuhan 1966 tidak akan dibayar kepada mana-mana ahli atau tanggungannya.
10. Menyelenggarakan pekerjaan mengarang, mencetak, menerbit, dan mengedar sebarang akhbar, majalah, kertas berita atau lain-lain penerbitan untuk menjayakan tujuan persatuan atau faedah Orang